

桃源縣志

增繪民國城鎮
鄉圖共二十本

桃源縣志

增補
卷之二十一
藝文志

古蹟

徵古蹟於仙源所在多有黃石公釣遊之跡劉禹錫題壁之詩
馬伏波之石室嵯峨瞿柏亭之丹台隱約屐齒所經足供吟眺
矣然皆附見於山川人物之中而不必另編爲古蹟若夫楚王
采菱之城少卿清陵之台蘇武南遊之地梁嵩駐馬之渡舊志
半屬傳信傳疑欲問其故事而遺蹟皆無有存焉者則不能不
著之於篇以待後人之考證也古今來文字附會往往不暇求
詳而地以人傳山水亦爲之生色又何必刻舟以求劍哉

蘇溪兩岸晨炊煙合萬瓦鱗差亦一雄市也上有蘇武祠相傳昔

曾至此因悟俯觀江漢流之句子卿實經南遊故有斯吟原非

塞北語也足解前人之疑蘇武祠在蘇溪舊志載李陵爲陵沅令又有

清陵館諸遺跡未必盡誣但正史不載耳楊嗣昌遊蘇溪記謂

溪以子卿名俎豆至今不知所自袁小修笑謂武陵人祠李少卿以爲清吏此少卿故人合沾餘瀝耳語雖戲謔亦見蘇李當

日交好或借至武陵未可知也

陳潛堅集

馬援爲武陵太守有蝗援振貧窮薄賦稅蝗入海爲魚蝦郡人立

祠祀之是當在征五溪之先也

參廣博物志

賀志載黃石溪爲黃石公所遊黃石廟中磬爲黃石公所遺

磬縣中

峭壁嵌崎乍視之頑然石也擊之有坎窞聲豁之音

皆言黃石公至此苦無他證近讀一

統志永州東安縣有黃石祠而武陵石門有黃石港諸地名乃

知黃石曾南遊於楚

馬援征諸蠻病死壺頭山民思之所到處祠廟俱存至今婦人皆用方素蒙首屈角繫腦後云爲伏波將軍持服鼎澧之民率皆

如此

風土記

馬王溪在大安村蘆花潭上相傳伏波征五溪時率輕騎探道於此林深箐密不能前因駐此樵採數日去土人立祠祀之明季兵燹祠圯惟遺址前古樟一株猶存增

淵明所記桃花源今鼎桃花觀卽是其處自晉宋人由此上昇者六人三十里無雜禽惟二鳥往來觀中未嘗有增損每有貴客來鳥則先號鳴庭閒人率以爲占鐫談

黃聞潭在黃聞山下深不可測潭上石扉雙闔縱橫文餘俗呼爲後洞門下有石高四丈濶可羅席相傳黃道真垂釣於此云增

白馬渡唐狀元梁嵩遺蹟嵩治武陵曾奏減郡稅母病歸養郡人追之及渡畱所乘白馬渡因以名志思也明嘉靖郡守陸埏以陽山廟祀梁嵩誤謂漢梁松之譖馬新息者議毀其祠海鹽錢

給練過郡辨之乃已

通志及最古園集

邑蘇黃渡蘇黃山不知所由或疑東坡山谷嘗經此然武陵石門有山谷墨蹟寰宇新碑錄新化縣有山谷雲亭宴集詩碑自武陵石門至新化必由桃源且秦人洞有詩似當日實由桃源惟

東坡未詳耳

舊志

大安村古驛路所出府志云自長沙至辰州別有山道不甚崎嶇并不經州過泊可省一日程昔朱子撫苗往黃塘嶺在郡南七十里今訛黃土店後以官吏難於迎候改置今驛路而商旅多取道於此云

增

清風橋古株圍九尺五寸高一丈三尺八寸枯枝橫長幹九尺空心霜皮古意婆娑

增

小鑑湖在邑後港及鼉池菴一帶相傳明邑人江棻蘿築別墅於此因取賀監乞鏡湖以自貶也每花晨月夕朝露新晴泛扁舟

於蒲葦藻荇間清風拂拂不覺塵襟爲之一滌萬歷壬寅其自
滇黔恤刑便歸小鑑湖書舍詩云空齋寂寞絕朋賓半似黃冠
半似僧山雨滴殘孤枕夢溪風吹滅隔窗燈燕窠雛老黃梅熟
蠶繭蛾飛秀麥登十載故園纔稅駕曲欄搔首幾回憑

參雪濤
關集及

江禹疏桃花
源紀游序

邑西關外黃花井在準提寺前寺初名鼉池菴相傳有老鼉窟其
下池寬數丈許與井泉相通汲井者嘗見花浮水面釀酒有異
香可療痼疾已而花失但旱乾水湧如故千百十家輪汲自朝
至暮無竭意卽竭次日復四溢真仙源古蹟也同治末邑令溫
旬侯題石碑曰黃花古井

增

劉公陂在大安杏花港下土洞深里許相傳明時採金所鑿後流
寇王馬陷常有劉某偕婦避兵其間生二子始出同治時土人

秉燭入未半風起於內燭搖搖欲滅懼而返獲盤盃各一古色

斑斕今洞口爲水所淹

增

仙人潭在鼠溪南三里深不可測旁有石穴有唐某者入水探之
曲折行半里水寒不可忍乃返出則失其左耳某固不自知也
光緒庚寅夏有捕鱉某肩二巨鱉鬻於市各重八九斤許云得
於斯潭其大者如車輪不可捕也下迤里許有石磯相傳爲仙
人釣台云

黃石溪在大安村興化接壤村人郝繼賢喜兵家言有奇氣明永
歷時印司奇召用繼賢挾策走桂林不得志歎曰與其後從赤
松遊不如早爲黃石隱遂歸與其友檀生棲此遂以名焉

增

冢墓

圈山古塚高僧之蛻骨長封倒水仙踪絕壁之靈棺不朽證慧業於上乘魂歸何處詫奇聞於終古目覩始真胡爲色相全空一坏土仍依法界塵根未淨十二峯永護遺骸冥漠君返樸歸真一死生而無極乃復畱幻跡於人間此理之不可解者矣然而屈子孤忠招魂猶歌楚些梁鴻高士窮塚曾傍要離郭有道之碑文壽同金石丁令威之華表影眷松楸安得作莊叟達觀之語永謝封植於墓田哉今試訪褐公之遺壙古柏森森尋綸嶼之荒台佳城鬱鬱蛟螭蟠屈文太守墓表龍溪金石嵯峨江淥蘿封高馬鬣皆塚墓之信而有徵者也摩挲片石爲低徊憑弔者久之至若淚點之團痕於溪上冬青之合抱於城西精誠所結固亦有不可泯滅者焉

唐虞

善卷先生墓方輿勝覽云善卷墓在辰谿縣西南龍溪觀明一統志云沅陵西北大西山巔善卷墓辰州志云宋祥符中有人竊發其塚須臾雷電交作人莫敢犯淑浦志云善卷常居縣西廬峯山絕嶺有臺臺上有土阜三旁有石鼎竈各一爲善卷煉丹處諸說彼此互異今考元和志武陵有善卷壇劉禹錫蔡崑俱有詩杜光庭亦謂德山善卷先生所居而隋刺史樊子蓋且以善德名山是武陵本善卷高蹈之所而其墓則無可確指其所任通志以爲武陵縣西九峯嶺辰谿沅陵淑浦相去絕遠其說皆屬可疑大約壇在武陵而墓在沅水以南耳

晉

徵士龔元之墓在沅水縣南

是時桃源未置縣而沅南多屬邑境水經注沅水縣南

有晉徵士漢壽人龔元之墓銘太元中車武子立賀志

宋

都官員外郎張顒墓在縣西二里岡

寶文閣待制河北都轉運使張頡墓在縣西二里岡

元

處士吳邀墓在邑北百二十里香山村何家套

內有祀田正銀兩零隸永定徵收

明

太常寺卿姚學閔墓在邑東歇馬橋營盤嶺

府志

大學士武陵楊嗣昌墓在白石村月虹山

翰林院檢討福建南安縣令闕士琦墓在雲霞山之東鐵林岡煙

雲杳靄中石碣卓犖人皆知爲楊公墓也

遺老明末選貢闕聞墓在溶洲文志鯨撰墓志銘

南京太常正卿武陵龍膺墓在沙羅村馬石溪新立神道碑武陵
楊彝珍題 按膺與友江伯通書倒水十二峯以作我籬落下
物實以賣賦錢爲買山資蓋非虛語云

四川提學僉事江盈科墓在縣治康家山

墓碑志
見金石

重慶府尹文樹墓在石眷村高吾步圓椅山餘姚王守仁志其墓
高士虞生劉楚芳墓在延口村窖河對岸沙灣

浙江布政使李徵墓在雲霞村獅子山之西碑碣猶存

奉政大夫南京戶部郎中武陵龍德孚墓在大高村鹿田坪新立
神道碑武陵楊彝珍題

南京主監文如璞墓在大高村六周家山

榮府儀賓文如鏘墓在大高村六周家山

通政大夫雲南博士文必達墓在杜青村馬鞍坡

敷封振威將軍文洪墓在水田村洪公嘴

南康知府李顯墓在西東村土蜂岡

萬縣知縣李春熙墓在西東村祖墳

廬州教授李位墓在西東村祖墳

副貢石門知縣明末監軍道關士琳墓在土東村左家港赤竹山
贈文林郎國子監太學生關來賀墓在高巖武陵楊嗣昌撰墓誌
行人司行人羅其鼎墓在上坊村游仙觀左山

靖州綏甯縣令督理邊糧通判關士觀墓在高巖左都御史龔鼎
孳撰墓誌銘

嘉興通判劉璣墓在延口村土工沖脾樓灣

揚州衛指揮使向凱墓在莫林村向氏祖墳

贈贈通奉大夫榮國儀賓李光煥墓在白石村老祠后

義士增廣生劉希儒墓在桐林麥灣隱居園內

南京刑部主事文大政墓在杜青村樟樹園

惠安縣知縣李思政墓在西東村土蜂岡琉璃堰

江甯主簿李冕墓在西東村大獅岡

壁山主簿李玉墓在西東村祖墳

武進縣丞李進墓在西東村祖墳

南監博士李鴻材墓在白石村深水渡

巴陵教諭向宜選墓在風和山東王瓜隴平岡

丹陽縣丞黎昊墓在縣治後港上花園北

御史印一中墓在大安村三庄坪武陵楊鶴題碑

通政使兵部侍郎印司奇墓在大安村三庄坪蘇家屋後金姑嶺

將軍秦應龍墓在大安虎行沖蘭竹山王家園康熙二十七年碑

國朝

永興縣訓導文鵠墓在太平寺永安山

誥授資政大夫京兆尹文志鯨墓在杜青村木塘鄧家庄

長沙訓導文體端墓在武陵許家坤明月山

湘潭縣教諭文運陞墓在段家灣筆架山

廣西西林縣知縣文滋盛墓在觀音壩荷花台

四川峨眉縣知縣文曙墓在呂貢女橋本宅後

陝西鄜州知州文如繡墓在杜青村周家灣蕭家山

永平府遷安縣知縣闕士登墓在高巖

督理兩廣招收鹽政大使闕之彪墓在雲霞村包家堰

安化縣訓導向宸墓在大里坪向家老屋後虎形山

福建建陽知縣程煥墓在延口村萊蘿坪

江華縣教諭文體英墓在白石村沈溪坪祖墳旁

山東高唐州州判文宗伊墓在郡城大門外烏龍港腰橋何家園

外

雲南徵江府路南州文鴻盛墓在馬頭山

直隸通州州同文運昌墓在貞女橋本宅後祖墳旁

四川勛陽縣知縣文德淹墓在新園

加提督銜記名協鎮文梅勝墓在杜青村羅九坡灣

試選知縣闕闡墓在雲霞村蟠龍洲

浙江玉泉下沙穿塲鹽大使闕光朝墓在雲霞村羅家灣

湖北宣恩縣知縣向光謙墓在大里坪大楓山

孝廉張次星墓在邑北百四十里巴茅洲長灣

孝廉方正署巴陵縣教諭龍縉墓在延口村西寺坪

平江教諭羅世賢墓在延口村長堰邊李家園與妻合塚
長興縣知縣李登瀛墓在白石村白石堡

嘉禾縣教諭向上達墓在延口村風和山古梅閣後山

福建台灣兵備道沅陵吳大廷墓在大安村燕家島杜公嶺

山西榆次知縣萬宣墓在黃沙村界首

河南衛輝府經歷萬世定墓在大安村金盤堆

韶州府經歷萬世仰墓在白石村下沉溪浸水橋

沅州府芷江縣教諭李際清墓在莫溪村仙人山東

知縣李世護墓在白石村鸞鷲堡

芷江縣教諭李廷化墓在白石村祖墳旁

桃源縣典史徐燕墓在縣治後港上花園

誥授武德尉守備李世靖墓在白石村野鷄岡